

ÖREIGAR ALLRA LANDA SAMEINIZT  
LIFI MARXISMINN-LENÍNISMINN-HUGSUN MAÓS TSE TUNGS!

# Stéttabaráttan

MÁLGAÐN KOMMÚNISTASAMTAKANNA MARXISTANNA - LENÍNISTANNA 5.tbl. 2.árg. 1973



VERÐ:  
30 kr.

## VERKAFÓLK! VÆNTUM EINSKIS AF SAMNINGUM ASÍ ÞAÐ ERU SVIKASAMNINGAR

Rétta leiðin í kjarabaráttunni:  
Verkalýðurinn verður að taka málin  
í eigin hendur og skipuleggja sig  
sjálfstætt á grundvelli stéttabaráttu-  
nnar án þátttöku svikaranna í ASÍ

Svikabrellur ASÍ í kjaramálum eru á engan hátt óeðlilegar eða nokkuð það sem ekki hefur mátt búast við. Á skeiði heimsvaldasestunnar breytast möguleikar auðvaldsins til að halda verkalýðnum niðri. Sá gífurlegi gróði sem borgarastéttin rakar saman gerir henni mögulegt að nota hluta af honum til að móta efsta lagi stéttarinnar, verkalýðsforystunni. Erindrekum borgarastéttarinnar innan verkalýðs-stéttarinnar, verkalýðsforystunni, hefur tekist að byggja í kringum sig heilt kerfi til verndar völdum borgarastéttarinnar innan ASÍ, en til að afhjúpa sig ekki algerlega, er reynt að láta lítið bera á þessum samruna. Gott dæmi um starfsaðferðir ASÍ, sem sýnir fram á þetta er ráðstefna ASÍ á Hornafirði með fulltrúm atvinnurekanda, þar sem sjálfsagt hefur verið lögð línan, hvernig bæti að standa að samningunum í haust. Alls lags smáborgaraleg samtök eins og Fylkingin og Sósíalístafélag Reykjavíkur hafa verið að reyna að efla tiltrú á verkalýðsforystuna og því kerfi, sem hefur vaxið upp við hliðina á ríkisvaldinu, með áróðri um að það sé aðeins spurning um að kjósa nýja menn í stólana, þá verði öllu kippt í lag og að jafnvel hluti forystunnar sé nú þegar raunverulegur "baráttu"kjarni fyrir hagsmunum verkalýðsins. Þetta má sjá í 7. tbl. Neista, en þar eru þessi smáborgaralegu samtök reyndar ekki að skera utan af því, heldur halda fram að 30 af 43 fulltrúm verkalýðsforystunnar berjist raunverulega fyrir hagsmunum öreigastéttarinnar.

Manni verður bara spurn: hvers vegna eru þessir verkalýðsforingjadræknendur að glamra um stéttasamvinnu ASÍ, ef hún er virkilega aðeins reikinn af fámennri klíku, en meirihlutinn eru slíkir "ágætis"menn að þeir framfylgja hagsmunum verkalýðsins? Þannig er þessu einmitt ekki farið. Á sama hátt og borgarastéttin getur ekki komið sjálfri sér á kné, getur verkalýðsforystan það heldur ekki og reynir



Í veisluöldum borgaranna. ASÍ-forsetinn Hannibal drekkur skál auðvaldskerfisins með Jóni H. Bergs formanni Vinnuveitendasambands Íslands.

ekki að koma sjálfri sér á kné. Stefnan sem ASÍ og VSÍ mörkuðu á Hornafirði var lauslega kynnt í Reykholti 27. og 28. ágúst. Kröfurnar sem ráðstefnan setur fram eru svo fjaránlegar og langt frá því að taka upp hagsmunamál verkalýðsins, að með því einu að lesa þær ætti það að nægja til að sannfæra flesta verkamenn um, að kröfurnar, sem ASÍ setur fram, gætu allveg eins borið undirskrift VSÍ en ekki forystuliðs ASÍ.

Allar miða kröfurnar að umbótum innan ramma auðvaldsþjóðfélagsins. Fyrsta krafan á ráðstefnunni í Reykholti er "Jöfnun launakjara með verulegri hækkun láglæna." Hvíslk krafa. Nú er ekki lengur minnst á samningana frá 4. des. 1971 þegar 40 stunda vinnuvika átti að nægja til lífsviðurværis, nú eru gömlu falsanirnar gleymdar og nýjar taka við. Hvað þýðir þetta kjafæði um launajöfnuð og hækkun láglæna? Það er auðvitað ekkert annað en þessi útslitni vaðall sem forystan vantar að muni slá ryki í augu verkamanna um að nú eigi í "fyrsta" sinn að taka röggssamlega á málunum, en það þýðir örflit hækkun, kannski 14% eins og varð 1971. Gegn

þessu setja stéttvísir verkamenn fram kröfuna: "8 stunda vinnudagur með 45.500 kr. á mánuði." Þessi krafa er pólitísk vegna þess að hún krefst sameinaðrar baráttu allrar verkalýðsstéttarinnar gegn borgarastéttinni. Þannig er hún ekki viðureign einstakra verkamanna við einstaka kapítalista, heldur baráttu allrar stéttarinnar gegn kapítalistastéttinni í heild sinni. En hin byltingarsinnaða krafa hlýtur þó að vera: "Afnám launavinnunnar, afnám arðrænskerfis auðvaldsins."

Önnur krafa verkalýðsforystunnar er "sérstök kauphækkun í fiskiðnaði" og nr. 3 "kauptryggingu á tímakaupsfólk". Hér er ekki heldur minnst á lífvænleg laun fyrir 40 stunda vinnuviku. Fjórða

an Fjórða krafan er: "Verkalýðsfélögin fái fullan umráðarétt yfir lífeyrissjóðunum." Þessa kröfu hafa hentistefnusamtökin Fylkingin tekið upp sem sína eigin og rembast nú við að sýna fram á hvað verkalýðsforystan hugsi vel um hagsmunum verkalýðsins, að þessi krafa skuli hafa verið sett inn á kröfulistann. Lífeyrissjóðirnir eru ekkert annað en sköttun á verkalýðnum í þágu auðvaldsins og atvinnurekendur hafa þegar aðgang að sjóðunum. Fimmta krafan "40 stunda vinnuvikan unnin á 5 dögum"

er fjaránleg, því enginn getur lifað af dagvinnukaupinu einu saman. Nr. 6: "Veruleg hækkun tryggingarupphæðar við dauðaslys og örkum!" og nr. 7: "Auknar greiðslur í veikinda og slysatilfellum." Þessar kröfur eru settar fram til viðhalds vinnuafli, en þegar þunnu hljóði um morðin á verkamönnum í kapítalisku framleiðslunni.

Nr. 8 "Aukið fjárframlag atvinnurekenda til fræðslustarfssemi verkalýðsfélaganna". Þetta er auðvitað ekkert annað en krafa um að auka þurfi umsvif borgaralega áróðursins.

Nr. 9 "Athugað verði af aðilum vinnu- markaðarins í samráði við ríkisvaldið með hvaða hætti unnt er að verðtryggja almenna lífeyrissjóði". Þessi lokakrafa er að ríkisvaldið sjái um að aðalkrafa Fylkingarinnar verði verðtryggt. Aukakröfurnar eru þessar sígildu, sem ekki er mögulegt að framkvæma í auðvaldsþjóðfélagi: lækkan skatta á láglæna og endurskoðun húsnæðismála. Niðurstöðurnar af því að lesa yfir kröfur verkalýðsforystunnar, eru því í engu frábrugðnar því sem vitað var fyrirfram, umbótakröfur til þess gerðar að slá ryki í augu verkalýðsins og byggja undir lygarnar um að hagsmunir verkalýðsins verði tryggðir í auðvaldsþjóðfélaginu.

Baráttan gegn launalækkunum verkalýðsforystunnar og kapítalistanna verður að vera órjúfandi tengd baráttunni fyrir sósíalísku byltingunni, því það er ekki fyrr en í alræði öreiganna sem hagsmunir verkalýðsins verða settir á oddinn, en gróðasjónarmið auðvaldsins brotið á bak aftur. GA

## KAMBÓDÍA

Þjóðfrelsisfylkingin sækir fram til lokasigurs

Frelshreyfingin í Indókiná hefur á þessu ári unnið hernaðarlega mikilvægan sigur. Parísarsamningurinn um Víetnam, sem þvingaði bandarísku heimsvaldasinnana til að hætta opinberlega stríðsrekstri, var afgerandi sigur fyrir víetnamska alþýðu og leiddi af sér nokkuð breyttar baráttuaðferðir þar. En í dag beinast augu alþýðu Indókiná og allra andheimsvaldasinna að Kambódíu. Þar er baráttan komin á lokastig og þrátt fyrir gífurlegar loftárásir bandarísku B-52 sprengjflugvélna til skamms tíma og annars stuðnings af hálfu bandarísku heimsvaldasinnanna við Lon Nol klíkkuna er það aðeins tímaspursmál hvenær Phnom Penh fellur í hendur þjóðfrelsisfylkingarinnar.



Hermenn úr þjóðfrelsisfylkingu Khmera, FUNK. Það er aðeins með alþýðustríðinu, að kúguðu þjóðunum mun takast að vinna sigur á heimsvaldastefnunni.

Við fyrstu sýn mætti halda, að ástandið í Kambódíu hafi ekki breyst svo mikið síðasta hálfa árið. Þjóðfrelsisfylkingin hefur í dag, eins og fyrir 6 mánuðum, yfirráð yfir meira en 90% landsins.

Ástandið í Kambódíu þróast og breytist hratt, nú síðast náði þjóðfrelsisfylkingin á sitt vald þriðju stærstu borg landsins, Kompong Cham. Þessi þróun sést einna best á hinu kröftuga og árangursríka uppbyggingarstarfi á frelsuðu svæðunum, sem er í hröplegri mótsögn við upplausnina og neyðina á svæðunum, sem Lon Nol klíkan heldur enn á sínu valdi.

Síðustu vikurnar, sem sprengjuárásir bandarísku heimsvaldasinnanna stóðu yfir, flýðu um 150.000 manns af þeim svæðum, er harðast urðu úti. Í dag er tala flóttafólks í Phnom Penh kominn yfir hálfa milljón. Hinn stríði straumur flóttafólks veldur miklu atvinnuleysi og dýrtíð, sem hefur þýtt gífurlega neyð, ekki bara fyrir flóttafólkið, heldur líka borgarúána og stóran hluta af her Lon Nols klíkkunnar.

Í her klíkkunnar gerast stöðugt fleiri hermenn liðhlaupar og mikil mótmælaalda hefur gengið yfir meðal óbreyttra hermanna, því að laun þeirra hafa ekki verið greidd í langan tíma. Það er reyndar ekkert skrúfið, þar sem yfirmennirnir hafa stolið þeim og sett á bankareikninga sína erlendis.

### ROTTURNAR FLÝJA SÖKKVANDI SKIPIÐ.

Ástandinu hjá Lon Nol klíkkunni má helst líkja við rotturnar, sem flýja sökkvandi skipið.

Stöðugt fleiri leppar flýja land, oft með stórum fjárfúlgum, sem þeir hafa rakað saman. Sjálfur hefur Lon Nol nýlega komið undan allri fjölskyldu sinni og mestum hluta af auðefum sínum. Þetta hefur gengið svo langt, að hann hefur nú upp á síðkastið orðið að kalla saman blaðamannafundi hvað eftir annað til að sama, að hann væri ekki sjálfur á faralds fæti. Mikill fjöldi diplómata hefur einnig yfirgefið Phnom Penh.

Á frelsuðu svæðunum er ástandið allt annað. Þar hefur vígorðið "vopnuð baráttu fyrir algjörum sigri!" verið sett á oddinn og FUNK (þjóðfrelsisfylkingin) hefur aldrei verið jafn öflug bæði vegna fráberrar uppbyggingar hersins og þess sem mikilvægara er

baráttuandans hjá alþýðunni og beinni þátttöku hennar í baráttunni.

### BARÁTTAN ER TVÍÞÆTT: PÓLÍTÍSK OG HERNAÐARLEG.

Við höfum slegið því föstu, að styrkur þjóðfrelsisfylkingarinnar sé nógu mikill til að hann geti tekið Phnom Penh, og gerum það enn. Hvernig stendur þá á því, að borgin er ekki enn fallin? Fyrir því eru tvær meginástæður.

Í alþýðustríðum er baráttan tvíþætt, pólitísk og hernaðarleg. Þetta þýðir, að frelsisherinn hefur ekki áhuga á Phnom Penh nema hann njóti fylgis alþýðunnar, sem þar býr. Þegar hún hefur tekið ósveigjanlega afstöðu með pólitíkinni, þá er tíminn kominn fyrir þjóðfrelsisfylkinguna að gera árás. Það má reyndar telja víst, að þetta skilyrði sé nú fyrir hendi. Íbúar borgarinnar hafa síðasta árið tekið á einarðari afstöðu með byltingaröflunum, bæði vegna upplausnarinnar hjá Lon Nol klíkkunni og uppbyggingarinnar á frelsuðu svæðunum.

### HEIMSVALDASINNARNIR LEGGJA Á RÆÐIN.

Nú má telja fullvíst, að bandarísku heimsvaldasinnarnir ætli að standa við þá ákvörðun sína að hætta loftárásunum á Kambodíu, a.m.k. fyrst um sinn.


GRUNK hefur leitt getum að því, hvaða aðferðum þeir munu beita í staðinn. Í skjali, sem þeir sendu frá sér nú fyrir nokkru, segja þeir um ráðagerðir Bandaríkjamanna:

"Nixon vinnur nú að nýju plani til að breiða út stríðið í Kambodíu. Weyland hershöfðingi, yfirmaður Kyrrahafsflotans, og John Vogt hershöfðingi, yfirmaður 7. flugdeildarinnar, sem hefur bæki-stöðvar á Thailandi, heimsóttu nýlega Saigon og Phnom Penh til að þróa áfram nýja áætlun, í samráði við innlend leigubý, um árás kambodískra hersveita með herdeildum frá Saigon og Bangkok og hugsanlega einnig bandarískum hermönnum."


Um langan tíma hafa yfir 10.000 Thailenskir hermenn tekið þátt í stríðinu við hlið herja Lon Nols. Að bandarísku heimsvaldasinnarnir reyni sem síðasta örþrífarað að stöðva sig-

FRAMHALD Á BAKSIÐU

## Vísir að sjálfstæðri skipulagningu verkalýðsins



Hér að ofan er mynd af dreifiriti því, sem verkamenn á Héðni gáfu út 11.9. s.l. með hvatningu til verkamanna Héðins, Garða-Héðins, Stálsmiðjunnar og Járnsteyppunnar um sameiginlegt átak í kjarabaráttunni án þátttöku ASÍ-svikaranna. Þetta dreifirit er afleiðing af sjálfsprottinni hreyfingu verkalýðsins gegn skaðnum launalækkunum auðvaldsins. Verkamenn eru tilneyddir til að taka upp baráttu gegn verkalýðs-



forystunni í kjarabaráttunni, því hún hefur verið hjálparkæfi auðvaldsins til að hækka arðrænschlutfallið á verkalýðsstéttinni og svipta kjarabaráttu hans pólitísku inntaki sínu.

Þær leiðir sem Héðinsmenn boða í dreifiriti sínu eru réttar í meginatriðum, hvað varðar sjálfstæða skipulagningu. Sú undirbúningsverkfallsnefnd, sem stofnuð var á fundi verkamanna í

Héðni og Stálsmiðjunni, með fulltrúum frá báðum vinnustöðunum er fyrsti vísirinn að þessari sjálfstæðu skipulagningu verkamanna í baráttu gegn árásum auðvaldsins og er fordæmi fyrir verkamenn hvar sem er á Íslandi í kjarabaráttunni. Stærsta hættan fyrir þetta form á kjarabaráttunni er að inn í verkfallsforystuna komist agentar fagfélagsforystunnar eða aðrir þeir, er reyna að afvegaleiða baráttuna og takmarka hana við kjarabaráttuna eingöngu eða gera verkfallsstjórnina að skrifinnskunefnd við hlið fagfélaganna. Meðlimir verkfallsforystu eða -nefndar, verða að sækjast eftir að hækka stéttarmeðvitund sína um auðvaldsþjóðfélagið og lyfta kjarabaráttuna meðvitað upp á svið stéttabaráttu gegn auðvaldsstéttinni á Íslandi. Við sendum félögum okkar í Héðni og Stálsmiðjunni baráttukveðjur og munum í næsta eintaki Stéttabaráttunnar víkja að baráttunni í Héðni og Stálsmiðjunni aftur, með nánara efni frá verkamönnum sjálfum.

FRAMHALD Á BAKSIÐU











